



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

LXVI. Otto Sack in Butterfelde verkauft wiederkäuflich eine Rente von jährlich 6 Mark aus seinen Gütern dem Paul Helm und dem Vicar des h. Leichnams - Altares in der Kirche zu Bärwalde, am 6. ...

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

LXVI. Otto Sak in Butterfelde verkauft wiederkäuflich eine Rente von jährlich 6 Mark aus seinen Gütern dem Paul Helm und dem Vicar des h. Leichnams-Altars in der Kirche zu Bärwalde, am 6. Dezember 1432.

Vor allen guden Cristen luden, di dessen briff sin, horen edder lesen, Bekenne Ik Otto Sak vor my vnd vor myne rechte eruen, dat ik vorkoft hebbe vnd vorkope mit krafft desses briues deme Erwerdigen manne her paulo helm vnde deme vicario des altars in der kerken tu berenwolde, dar me ouer singhet des hiligen Lychammes misse, deme suluen vicario, di nu is vnd nakomen mach, vnde vortmer den anderen vorstenderen der suluen vicarien ses mark geistliker rente, alle jar to nemende vnd vptoborende in myne reddesten guderen, also ik sy hebbe in deller nyenmarke, sunder wedersprake vnde hinder myner vnd myner eruen. Dy suluen vorbenumeden ses mark schal ik Otto Sak edder myne rechte eruen deme vicario suluen antwerden edder vtpanden vp deme enkeden lunte mertenstdach in mynen guderen, war he wil, van jare tu jare, vry vnde los, sunder bukummeringhe alles rechtes, geistlikes edder werlikes. Vor dessen vorbenumeden kop heft my her pawel helm, vorstender der vorcreuen vicarien, vnde de vicarius wol buraden vnd butalt tu genüge seltich mark penninghe guder Stettinscher munte, di ik vnd myne eruen in vnser vroem gebracht hebben. Vnd weret, dat ik Otto Sak edder myne eruen des vorbenumeden kopes wedder komen wolden, so schole wy bidden eyn veredel jares tu vorne her pawel helme vnd deme vicario este den anderen vorstenderen der vorcreuen vicarien, dat sy vns tustaden eyns wederkopes, vnd dat scholen sy vns nicht weygeren. Vnde darna des negesten lunte Merten schal ik edder myne eruen her pawel helme, deme vicario vnde den anderen vorstenderen der vorbenumeden vicarien wedder butalen dy vorcreuen Seltich marc vnde ses mark jerlike rente. Vnde weret, este ik Otto Sak edder myne eruen dit so nicht enhilden vnd her pawel helm edder di vicarius dar ennighen schaden vmme deden edder nemen tu Cristen edder tu Joden, vmme myner nicht butalinghe willen, den schaden schole ik edder myne eruen en allen vorcreuen vplegeren vnde vornugen mit mynen eygen panden, so vele dat en allen genuget. Dat ik dit stede vnde vaste holden wil sunder alle hinder vnd weddersprake, dat loue ik Otto Sak mit mynen rechten eruen vnd mit mynen nagescreuen borgen, also peter gustebise vnd werner van Ellingen, in guden truwen vnd louen also tu holdende. Vnd weret, est vor dessen wederkope broksam worde an my edder an mynen borgen, also est vnser ener oder alle vorstoruen, so schal me den vorstenderen edder dem vicario dessen briff vornyen bynnen vir weken. Des tu thuge vnd mer bukantenisse so hebbe ik Otto Sak, sakeweldige, mit witschap alle myner borgen vnser alre Ingesegel laten hangen vnder an dessen openen briff, dy gegeuen vnd gescreuen js tu Botteruelde, na godes bort duzent jar virhundert jar, darna in deme XXXII. jare, an dem dage Nicolai des hiligen Bischoppes etc.

Nach dem Originale des rathshäuslichen Archives in Bärwalde, Mittheilung von Spieker.